0.0.1 Dona(loka)suttam

- 1. ekam samayam bhagavā antarā ca ukkaţţham antarā ca setavyam addhānamaggapaţipanno hoti. doņopi sudam brāhmano antarā ca ukkaţţham antarā ca setavyam addhānamaggapaţipanno hoti. addasā kho doņo brāhmano bhagavato pādesu cakkāni sahassārāni sanemikāni sanābhikāni sabbākāraparipūrāni. disvānassa etadahosi: ``acchariyam vata bho. abbhutam vata bho na vatimāni manussabhūtassa pādāni bhavissanti" ti.
- 2. atha kho bhagavā maggā okkamma aññatarasmim rukkhamūle nisīdi, pallaṅkam ābhujitvā ujum kāyam panidhāya parimukham satim upaṭṭhapetvā.
- 3. atha kho doņo brāhmaņo bhagavato pādāni anugacchanto addasa bhagavantam aññatarasmim rukkhamūle nisinnam pāsādikam pasādanīyam santindriyam santamānasam uttamadamathasamathamanuppattam dantam guttam samyatindriyam nāgam. disvā yena bhagavā tenupasankami. upasankamitvā bhagavantam etadavoca:
- **4.** devo no bhavam bhavissatīti? na kho aham brāhmaṇa devo bhavissāmīti. gandhabbo no bhavam bhavissatīti? na kho aham brāhmaṇa gandhabbo bhavissāmīti. yakkho no bhavam bhavissatīti? na kho aham

brāhmaņa yakkho bhavissāmīti. manusso no bhavam bhavissatīti? na kho aham brāhmaņa manusso bhavissāmīti.

- 5. devo no bhavaṃ bhavissatīti iti puṭṭho samāno ``na kho ahaṃ brāhmaṇa devo bhavissāmī" ti vadesi. gandhabbo no bhavaṃ bhavissatīti iti puṭṭho samāno ``na kho ahaṃ brāhmaṇa gandhabbo bhavissāmī" ti vadesi. yakkho no bhavaṃ bhavissatīti iti puṭṭho samāno ``na kho ahaṃ brāhmaṇa yakkho bhavissāmī" ti vadesi. manusso no bhavaṃ bhavissatīti iti puṭṭho samāno ``na kho ahaṃ brāhmaṇa manusso bhavissāmī" ti vadesi. atha ko carahi bhavaṃ bhavissatīti.
- 6. yesaṃ kho ahaṃ brāhmaṇa āsavānaṃ appahīṇattā devo bhaveyyaṃ, te me āsavā pahīṇā ucchinnamūlā tālāvatthukatā anabhāvakatā āyatiṃ anuppādadhammā. yesaṃ kho ahaṃ brāhmaṇa āsavānaṃ appahīṇattā gandhabbo bhaveyyaṃ, te me āsavā pahīṇā ucchinnamūlā tālāvatthukatā anabhāvakatā āyatiṃ anuppādadhammā. yesaṃ kho ahaṃ brāhmaṇa āsavānaṃ appahīṇattā yakkho bhaveyyaṃ, te me āsavā pahīṇā ucchinnamūlā tālāvatthukatā anabhāvakatā āyatiṃ anuppādadhammā. yesaṃ kho ahaṃ brāhmaṇa āsavānaṃ appahīṇattā manusso bhaveyyaṃ, te me āsavā pahīṇā ucchinnamūlā tālāvatthukatā anabhāvakatā āyatiṃ anuppādadhammā.

bjt page 078

7. seyyathāpi brāhmaṇa uppalaṃ vā padumaṃ vā puṇḍarīkaṃ vā udake jātaṃ udake saṃvaḍḍhaṃ udakaṃ accuggamma ṭhāti anupalittaṃ udakena. evameva kho ahaṃ brāhmaṇa loke jāto loke saṃvaḍḍho lokaṃ abhibhuyya viharāmi anupalitto lokena. buddhoti maṃ brāhmaṇa dhārehīti.

``yena devūpapatyassa gandhabbo vā vihaṅgamo, yakkhattaṃ yena gaccheyyaṃ manussattañca abbaje¹, te mayhaṃ āsavā khīṇā viddhastā vinalīkatā.

puṇḍarīkaṃ yathā vaggu² toyena nūpalippati, nūpalittomhi³ lokena tasmā buddhosmi brāhmaṇāti."

pts page 039

¹abbhaie (svā): andaie (sīmu)

²uggam (syā)

³kupalippāmi (syā, machasam); nūpalimpāti (ka)